

# An-sengbaljokanina Isolni Indin On-gipa Daksamsoani



Amazing Facts  
Poraiani

13

**Dal·gipa** sana bananiko dakaniara dam gri indina on-ani ong-a – indiba an-ching doctorrangko nangjaon ian dal-batgipa ong-jawachimma? Doctorrang gri sanabananiko dakna man-a ine na-a u-iama? Nang-ni be-enko simsakbo! Scientistrang an-chio mitim dongani, sada, gisiko neng-nikani, ok dal-e milani, aro chu ringani gimin mikrakataniko dakronga, indide maini gimin nangni rasongko am-a? Na-a maikai nang-ni be-en bimangko rakkia Isol simsakaniko daka, aro Ua nang-na indin daksamsogipa an-sengbaljokanigita re-china, chong-motan Sastroo, nang-na on-aha! Maikai naa chugimik ansengbaljokani aro jaroe janggi tangani gimi chongmot onganirangna, naa ia Poraianiko dakbo – indiba jekoba aganna skang poraichengbo!

1

## An-sengbaljokani niamrangara chong-motgipa Sastroni toromni bak ong-bebeama?

**“Ka-sara, nang-ni janggini namrroa gitan, na-a pilakni gimin namrorochina aro an-sengchina anga bi-a”**  
(3 Johan 1:2).

**Aganchakani:** Oe. Sastroo be-en an-sengbaljokaniko namen gamchate ra-a. Mandeni chanchia, gisikni biding, aro be-enara ge-sa ge-gipin baksa nangrimani aro pangchakani donga. Be-eni badiaba bak neng-nikani ong-ode, minggipinba nangea. Be-en bimang jakkalsretaniko man-on, gisikni bidingo chanchianirangba Isolni miksongani gita ong-na man-rongja – aro na-a mamungdakeba chu-sokgipa janggi tanganiko tangna man-jawa. (Johan 10:10).

2

## Maina Isol an-sengbaljokani niamrangko An-tangni manderangna on-aha?

**“Aro ia pilak niamko dakna, an-chingni Isol Jihovana kenchina Jihova an-chingko ge-etaha, maikai an-chingni namgni pangnan ong-gen, aro da-o ong-a gita, ua an-chingko tange rakina man-gen”** (Deuteronomy 6:24). **“Aro na-simang Jihova na-simangni Isolna dangdike on-bo, ua nang-ni cha-aniko aro nang-ni chiko patigen; aro anga nang-ni jatchioniko saako ra-anggen”** (Reongkata 23:25).

**Aganchakani:** Isol an-sengbaljokani niamrangko on-aha maina mandeni be-enna maia nambata uko Ua u-ia. Gariko tarigiparang gitalgipa gari ge-antikon namedake u-igipa ong-a maina uarango operationmanualo pangchake tariaha. Isol jean, an-chingni be-en bimangrangko ong-ataha, Uoba “operation manual” donga. Uan Sastro ong-a. Isolni “operation manual” ko jegalanio bang-a changon jedake gariko jakkalsrete namjabegipa neng-nikanio ong-ata gita, sabisirangona, ong-gija dake chanchianiona, aro janggirangko gimaataniona sokata. Isolni on-gimin niamrangko ja-rikanichi “naljokgipa an-sengbaljokaniona” re-bana (Gitrang 67:2) aro chu-sokgipa janggiko man-na (Johan 10:10) dakchaka. An-chingni bakrimpaani baksa, Isol ia dal-gipa an-sengbaljokani niamrangko jakkalna man-a jedakode Satanni ra-baenggipa sabisirangoniko komiatna aro gimaatsrangna man-gen (Gitrang 103:2, 3).



3

### Isolnni an-sengbaljokani niamrangara cha-ani aro ringanirang baksa maiba dakna nangani dongama?

**"Na-simang namako cha-bo" (Isaia 55:2). "Uni gimin na-simang cha-oba, ringoba, jekoba dakoba, pilakkon Isolni rasongna dakbo (1 Korinthirangna 10:31).**

**Aganchakani:** Oe. Kristian mandede "maia nama" baseesa, Isolna rasongko on-na dingtangdingtang cha-aniko cha-a aro ringaniko ringa. Isol bostuko cha-na nangipa ong-ja ine aganode, Ua maiba nambatani giminsa ong-aha. Ua rakgipa sason ka-gipa ong-ja, indiba ka-saan gaggipa Pagipa ong-a. Uni pilak ku-pattiani an-chingni namgnina pangnan ong-a. Sastro ku-rachakaniko daka, "Sronge re-ruragiparagoniko ua mamung namako ra-rikjawa" (**Gitrang 84:11**). Uni gimin Isol maikoba an-chingoniko ra-rika ong-ode, ian an-chingna nanggija ong-ani giminsa ong-aha.

**Uie rabo:** Darang mandeba salgiona re-na an-tangni namnika gita cha-na man-ja. Jisu Kristoko Gitel aro Jokatgipa ine ra-chakgipasa uko dakna man-gen. Isolni an-sengbaljokani niamko simsakgija dake, uni nangipa bichalko gimaatnaba donga aro papo ga-aknaba donga, janggi jokaniko gimaataona kingkingba soknaba donga.

4

### Isol jensalo manderangko ong-atahaon, maiko chu-sokgipa wilwilao uamangna cha-na on-aha?

**"Aro Isol inaha, Nibo, anga a-a gimiko donggipa, pilak bitchri gnanggipa sam, aro ma-manti bitchri gnanggipa bite nanggipa bolko na-simangna on-aha ... Na-a ia barini pilak boloni biteko cha-tokna ama" (Abachenga 1:29; 2:16).**

**Aganchakani:** A-bachengo Isolni manderangna cha-aniko on-ania, bite, bitchilrang, aro bitchri gnanggipa biterangkosa on-ahachim. On-tisa ja-mano samjakrangko on-dapaha (**Abachenga 3:18**).



# 5

## Maia dingtangmanchagipa cha-anirangko Isol rontgalja aro cha-na man-ja ine janapaha?



**Aganchakani:** Levirangna 11 aro Deuteronomy 14 o Isol cha-anirangko bakate rontgalja ine mesokaha. Odhairang gimikkon poraibo.

- Pilak matburungrang jerangan el-bue chobaija aro ja-skep pekni dongja (**Deuteronomy 14:6**).
- Pilak natokrang aro chio jrogiparang jerangni gangching aro bisingskap dongja (**Deuteronomy 14:9**). Pilak natokrang on-nasipile rontgala.
- Pilak sakoni do-orang, do-gamdot raja, hargila aro alabokni pilak ma-arang (**Levirangni 11:13-19**).
- "A-ao malgiparang" (ba ja-a sambri) (**Levirangni 11:21-44**).



**U-ie ra-bo:** la odhairang rontgalbee talataniko

daka je manderangni cha-ronggipa bang-a jonturang, do-orang, aro chio donggiparang rontgala. Indioba uano mitam dingtangmancha u-ie ra-ani donga. Isolni niamrang gitade, ia matburungrang rontgalja aro uarangko cha-na nangja: menggorang, achakrang, gurerang, utrang, do-gamdotrang, soginrang, wakang, matrang, sapaurang, bisingskap griggipa na-tokrang, na-tikrang, ang-kerang, etchalukrang, beng-balokrang, aro gipinrang.

# 6

## Mande wakni be-enko cha-na namnikode aro uko cha-ode, Kristoni gnigipa re-bapilano ua nisiatako man-genma?

"Maina, nibo, ka-onangani, ka-agapako aro wa-alni wal-sarechi uni manengako on-skana ine Jihova wa-al gngang re-bagen ... Maina pilak be-enni kosako Jihova, wa-alchi aro uni tonualchi bichalko chu-sokatgen; aro Jihovani so-otgimin bang-gen ... wakni be-enko, aro mitchianiko, aro menggotchiko cha-e barirangona re-angna an-tangtango on-kanggiparang aro an-tangtango rontgalatgiparang, uamang damsan bon-changgen ine Jihova agana" (**Isaia 66:15-17**).

**Aganchakani:** lan jagokatani ongnaba donga, indiba ian kakket bebe onga aro iako aganna nangchongmota. Sastro agana jean "wakni be-enko" aro gipin rontgalgijanirangko cha-a jean "mitchiani" ong-a Gitelni gnigipa re-bapilano nisiataniko man-gen. Jensalo Isol maikoba dakjachina aro cha-jachina aganon, an-ching jedakeba Una bamna nanga. Maina, beng-gipa biteko Adam aro Hobba cha-anichi pap aro sianiko skanggipa ia a-gilsakona ra-baaha. lan mamungba ong-ja ine saoba aganna man-genma? Isal agana manderang gimaataniko man-gen maina uamang "angni namnikgijako see ra-aha" (**Isaia 66:4**).

7

## Indiba ia rongtala aro rongtalgijagipa matburunrangni niamara Moseoni a-bachengahama? lara Jihudirangnansama, aro iako chisolo bon-atahama?

“Aro Jihova Noako inaha ... “Na-a marang gri jillani, mangprakoniko jikse sni sni; aro marang gnang jillani jikseprak, rimbo” (Abachenga 7:1, 2).

**Aganchakani:** Pilakkon ong-ja. Noa Jihudirangna skangan ru-uta somoionin dongaha, indiba ua rongtala aro rongtalgijagipa matburunrangko u-ia, maina ua rongtalgiparanko jikse sni sni aro marang gnanggipako jikseprak dake ringona rimnapaha.

**Parape-a 18:2** o mitam do-orangni gimin agana jerangan Kristoni gnigipa re-bana skang rongtaljachim. Kristoni sichakani ia an-senge dongani niamrangko dingtangtjaha, maina Sastro agana, jerangan uaranko pe-a uamang Jisuni re-bapilano nisia tako man-gen (Isaia 66:15-17). Jihudirangni ojom ka-ani okni biding mamungdakeba Gipin jatrangni ojom ka-ani okni bidingoni dingtanga. Ia an-sengbaljokani niamrang gimikan pilak salna pilak manderangna ong-a.



8

## Pekgipa ringanirangko jakkalani gimin Sastro maikoba aganama?

“Chu ka-dingstekgipa, aro pekgipani ringani aganwatwatgipa, aro uchi pekatak man-gipa pilakan gisik gnanggipa ong-ja”

(Toe Skianirang 20:1). “Chu gitachakon, rangkareo ua ching-cheton, ua rinokbalbal napangon uko ninabe. Ja-man kitiko ua chipu gita sua, aro chikil gita chika”

(Toe Skianirang 23:31, 32). “Til-ekgiparang ... ba pekgiparang ... Isolni songnokko man-rikjawa” (1 Korinthirangna 6:9, 10).

**Aganchakani:** Oe. Sastro chuko jakkalani gimin bilaken mikrakataniko dakaha.




## Sastro gipin bisigrakgipa bosturangko jakkalani gimin mikrakataniko dakahama, jedake ta-makku?



**Aganchakani:** Oe. Sastro bisigrakgipa bosturangko jedake ta-makkkuko jakkalani gimin mingdok a-selrangko on-e mikrakataniko daka jean Isol kusi ong-atja:

- A. **Bisigrakgipa samrangko jakkalaniara an-sengbaljokaniko nosto ka-a aro be-enko ong-siata.** “Na-simang Isolni toRomrangna nokdring ong-a, aro Isolni Gisik na-simango donga ine na-simang u-ijama? Saoba Isolni toRomrangna nokdringko gimaatode, Isol uko gimaatgen. Maina Isolni toRomrangna nokdring rongtala ong-a, aro na-simang uan ong-a” (1 Korinthingrna 3:16, 17).
- B. **Ta-makku pekatgipa bostu jean manderangko nokkol napata. Romrangna 6:16** agana je an-chingara jenan an-ching an-tangtango bamata uni nokkolrang ong-a. Ta-makkuko jakkalgiparang, ta-makkuni nokkolrang ong-ata. Jisu aganaha, “Na-a an-tang Isol Gitelko olakkibo, aro ukosan manibo” (Mati 4:10).
- C. **Ta-makkuko jakkalgiparangni bewal rongtalja.** “Uni gimin Gitel agana, Uamangni giseponi re-ongkatbo, aro dingtang ong-bo, aro rongtalgijako dangdiknabe; unon anga na-simango ra-chakgen” (2 Korinthingrna 6:17). Kristoko je rokomoba ta-makkuko jakkala ine chanchiataniara gisik griani ong-jama?
- D. **Bisigrakgipa samrangko jakkalaniara tangkako bon-atanisan ong-aia.** “Na-simang maini gimin cha-ani ong-gijagipana tangkako, aro okkaatgijagipana nangni game man-ako koros ka-a?” (Isaia 55:2) an-chingara Isolni an-chingna on-gipa tangkani nokkol pamongrang ong-a, aro “iano nokkol pamongrango iako am-a, uamangko maikai bebegipa nikgen” (1 Korinthingrna 4:2).
- E. **Bisigrakgipa samrangko jakkalanichi an-chingko didiatgipa Gisik Rongtalgipani basee ra-ani bilni gimin u-ie ra-ani bilgriata.** “Janggina dagrikigipa beenni skarangoni antangtango rakkibo” (1 Pitör 2:11). Bisigrakgipa samrangko jakkalaniara be-enni skaniko chu-sokatanisan ong-a.
- F. **Bisigrakgipa samrangko jakkalanio janggi tanganiko bakkandikata.** Science ta-makkuko jakkalanio janggi tanganiko bakkan-dikata ine sakkiko man-aha. Ian mande sootnabe ine ingipa Isolni geetaniko peani onga (Reongkata 20:13). Beben ian ka-sinesa so-otgenchimoba, ian so-otani ong-kuaienga. Nang-ni sianiko ra-dona man-ani nambatsranggiparanganimingsa cholde ta-makku jakkalaniko watgalsranganian ong-gen.



# 10

## Maia mitamrang ramrangipa indioba nangchongmotgipa an-seng baljokani niamrangko Sastroo nikna man-na?

**Aganchakani:** Iano ming 11 Sastroi an-sengbaljokani nimrangko mesokatenga:

**A. Nang-ni cha-anirangko somoi gita cha-bo, aro matburungni mitimko ba an-chiko jakkalnabe.**

“Nangani somoio chupekanina ong-gija bilna cha-on”

**(Aganprangkpa 10:17).** “Na-simang mitimko aro an-chikoba cha-na nangja ... ian na-simangni chasongni chasongna jringjing chon-changgijagipa niam ong-china” **(Levirangni 3:17).**



**U-ie Ra-bo:** Science bebe ong-a ine ma-sina man-aha je bang-bata ka-tongni sabisirang an-chio mitim bang-dugaani a-sel ong-a – aro mitimrangko jakkalanara an-chio dugaa mitimko ong-ata. Iako indake nikna man-a je Isolara maiko aganengachim pilakkon name daken ma-sigipa ong-a, ong-jama?

**B. Cha-pretgabe.** “Na-a cha-na sikgipa ong-ode, an-tangni gitoko chakkuko donbo” **(Toe Skianirang 23:2).** **Luk 21:34** o, Kristo dingtangmancha dake bon-kamani salrango cha-waka aro pekao ong-ani gimin mikrakataniko dakaha. Cha-pretaniara, ian an-tangko rakkina man-gijani bewal ong-a, ian bang-a sabisirangko ong-katataha.

**C. Mikbuani ba matnanganiko ra-bitnabe.** Indakgipa papni chanchianirang be-enni kam ka-aniko golmal ka-a. Sastro agana je mikbuaniara “grengrangni soani ong-a” **(Toe Skianirang 14:30).** Kristoba ganchiona on-aniko ra-bana skang matnanganiko galatchengchina ge-etaniko dakaha **(Mati 5:23, 24).**

**D. Ka-tongo kusi ong-aniko donjringbo.** “Ka-srokgipa ka-tong an-sengatani ong-a; indiba be-gimin gisik grengrangko ra-nata” **(Toe Skianirang 17:22).** “Maina gisiktango uni chanchia gitan ua ong-a” **(Toe Skianirang 23:7).** Bang-a sabisirangan jeonin manderang saknaaniko man-enganiara gisiko duk man-ani gimin ong-a. Kusi ong-e aro katchae donganian an-senbaljokaniko aro janggi tangbanganiko on-a!



**E. Jihovao chugimik kadonganiko donbo.** “Jihovana kenaniara tangani ong-a” **(Toe Skianirang 19:23).** “Ang de, angni kattarangna gisik on-bo ... Maina uarangko manigiparangna uaranga tangani ong-a aro uamangni be-en gimikna an-sengatani ong-a” **(Toe Skianirang 4:20, 22).** An-sengbaljokani Isolni ge-etanirangko maniaoni aro Uo chu-gimik ka-donganiko donaoni ong-bara.

**F. Tiktak dake kam ka-bo aro chu-onga gita tusia aro neng-takan** baksa be-enko ranta ka-jringbo. “Saldok na-a kamko ka-bo; indiba snigipa sal Jihova nang-ni Isolna neng-takani ong-a; uno na-a mamung kamkoba ka-nabe” (**Reongkata 20:9, 10**). “Kam ka-gipa tusinapa” (**Aganpragkipa 5:12**). “Mikkang gramchie cha-aniko cha-gen” (**Reongkata 3:19**). “Pringwalni chakataru, ru-utosan neng-takata, onggramaiani onga” (**Gitrang 127:2**). “Maina salni kokimao an-tangni kam ka-gimin uni pilak kamoniko, aro uni ka-tongni jotking dakaoniko mande maiko man-a? “Oe, waloba uni gisik tom-tomja. laban ong-gramaiani” (**Aganpragkipa 2:22, 23**).



**G. Nangni beenko rongtale rakkibo.** “Mamung rongtalgijaniko dandiknabe” (**Isaia 52:11**).

**H. Pilakon krae dakbo.** “Susagrikgipa sakanti pilakni gimin an-tangko rakia” (**1 Korinthingrana 9:25**). “Na-simangni sontolko pilak manderang nichina” (**Philippirangna 4:5**). Kristian mande antangna namgijako rabagipa pilakonin chugimikan gelnrangna nanga. Je bewalangan an-sengbaljokaniko nosto ka-a, “Na-a mande so-otnabe” ingipa niamko pe-a. Uarang an-tangko ka-sine so-otna miksonganio ong-a.

**I. Be-enna namgija ong-gipako gelbo** (**1 Korinthingrana 3:16, 17**). Ian nangko jagok manatnaba donga, indiba medical science iani gimin chongmotgipa onganiko nikaha je chaa, coffee, aro pilak rokom ringanirango sambisirang aro gipin namgijagipa bisirang donga jean mandeni be-enko nosto ka-enga. Iarango chini ba krim gita man-gipa namgniko man-ana agre mamung be-enna namgni ong-gipa cha-ani dongja, aro an-ching pilakan dugaa chiniko jakkalronga. Dikdiksana bilakatgipa cha-anirang be-enko nosto ong-ata, be-enna bilakaniko ra-bagipa ramramgipa cha-anirangara tela gario tonsa malko ra-baa gita ong-a. Indakgipa ringanirango similgipa ringtoani ba palna nangani gimin ong-ja indiba caffeine aro chinirang bang-en dongani giminsa ong-a. Bang-a Americani manderang saaniko man-a maina uamang chaa, coffee, aro gipin ringanirango watna man-ja. Ian diabolko kusi ong-ata aro mandeni janggirangko nosto ka-rongaha.



**J. Cha-ani somoiko kusi ong-ani somoi dakbo.** “Mande sakantini cha-na, aro ringna aro an-tangni pilak kamo katchana man-ara, ian Isolni on-asa” (**Aganpragkipa 3:13**). Cha-ani somoio kusi ong-jaode, cha-anirang oko ojom ong-ja. Uarangko gelbo.

**K. Nangenggiparangko dakchakbo.** “Denggu dakani kaanirangko engara, pakripeni budurangko enggruara, aro onia dakako man-gipa jakgitel watara, aro pilak pakripeko pe-ara, okkrigipana cha-aniko on-paara, a-pal galgimin kangalko nang-ni nokona rimbaara ong-jama; nagandeko nikon ... pindapna, aro nang-ko an-sengatani bakkaban ong-katgen” (**Isaia 58:6-8**). Iako altuabeen ma-sisretronga: Jensalo an-ching kangal aro duko ga-akgiparangko dakchakon, an-ching an-tangtangko an-sengataniko namdabatna man-a.



11

## Maia nangchongmotgipa gisik ra-ataianiko Isolni niamrangna simsakgijagiparangna on-aha?

**“Na-simang brangatako man-nabe, Isol kal-stapani ong-ja; maina mande jeko sata, uko ua ragen” (Galatirangna 6:7).**

**Aganchakani:** Jerangan Isolni an-sengatani niamrangna simsakjaniara an-tangni garina simsakgija neng-nikataniko man-a gita be-en bimangrangni nosto ong-ani aro janggirangni cham-e bon-ataniko man-gen. Aro jerangan Isolni an-sengatani niamrangko pe-aniko dakronga chu-gimikan bon-kamaode nisiataniko man-gen (**1 Korinthirangna 3:16, 17**). Isolni an-sengatani niamrang skatang dakgipa niamrang ong-ja – uarangara ong-telaigipa ong-a jean a-gilsak salgisako mangrakatgimin niamrang ong-a, jedake law of gravity gita ong-a.la niamrangko manigija dakanio gimaaniko ra-bagen. Sastro agana, “A-sel gri sao on-ara nangja” (**Toe Skianirang 26:2**). Jensalo an-ching an-sengbaljokani niamrangna simsakjahaon neng-nikanirang sokbara. Isol, ka-sachakanio, ia niamrang maina ong-achim an-chingna agana jedakode an-ching dukrangko gelna man-gen, jean uarangko pe-ani giminsa ong-aha.



12

## An-sengbaljokani gimin maia aiao inmangipa bebe ong-aniko an-ching dedrang aro dedrang su-drang bak man-paa?

**“Maikai, nang-na aro nang-ni ja-mano nang-na dedrangna namgni ong-na man-gen, na-a uko cha-na nangja” (Deuteronomy 12:25). “Maina anga Jihova nang-ni Isol sanalgipa Isol, pagiparangni namgijana dedrangni kosako, angko mitchigiparangni gitamgipa chasongni kosako, aro brigipa chasongni kosako sasti on-gipa” (Reongkata 20:5).**

**Aganchakani:** Isol rongtalen agananiko daka je dedrangrang aro ja-mano ong-gipa dedrang (brigipa chasong) Isolni an-selbaljokani niamrangna manigijagipa ma-a paarangni dosna sastiko ra-na nanga. Dedrangrang aro ja-mano ong-gipa dedrangrang Isolni niamrangko jegalanio man-rikgipa ma-a paarang ni bilgrianiko aro be-eno saanirangko man-rikpaa. Na-simangni gamchatgipa dedrangrangni aro ja-manni dedrangrangni kosako ong-atnasigipa maiaba namgijjarangko na-a geljawachima?



13

## Maia gipin gisikna jrimani chong-mot ong-aniko Isolni Kattao parape-aha?

**"Aro marang, aro mitchiani aro tol-ako daggipa uona mamung dakeba napjawa" (Parape-a 21:27).**

**"Indiba an-tangtangi misilgni aro mitchignirangko ja-rikgipa ka-tong gnanggiparangara, anga uamangni re-aniko uamangni skotangtangni kosakona ra-bagen ine Gitel Jihova agana" (Ezekiel 11:21).**

**Aganchakani:** Mamung ong-siani ba rongtalgijianiko Isolni songnoko napna on-jawa. Pilak rongtalgija dakbewalrang mandeko rongtalgija ong-ata. Kragija cha-anirangko jakkalanio mandeko rongtalgija ong-ata (**Daniel 1:8**). Ian gisik jime chanchina nangani indiba chong-mot ong-a. An-tangtangi namnika gita je manderangan skatang dakanirango re-a aro jerangon Isolni katchaani dongja an-tangtangi jringjrotna janggi jokaniko gimaatgen. (**Isaia 66:3, 4, 15-17**).



14

## Maiko pilak bebegipa Kristianrang changsano dakna nanga?

**"Uni gimin, be-enni aro gisikni pilak moilanoniko an-tangtango rongtalatna hai"**

**(2 Korinthisrangna 7:1). "Aro ia ka-dongako uno dongipa sakantian, uni rongtala gita chacha,**

**an-tango rongtalata" (1 Johan 3:3). "Angna ka-saode, indide na-simang angni ge-etanirangko manibo" (Johan 14:15).**

**Aganchakani:** Bebegipa Kristianrang an-tangtangi janggirangko Isolni an-sengatani niamrang baksa apsan janggi tanggen maina uamang Una ka-saaha. Uamang u-ia je Uni niamrang uamangko kusi ong-atna aro diabolni sabisirangoniko chelchakna dakchaka (**Watatarang 10:38**). Isolni ku-pattiani aro niamrang pangnan an-chingni namgina ong-a, jedake namgipa ma-a paarangni niamrang aro ku-pattianirang uamangni dedrangrangna nambatgipa ong-aha. Aro jensalo an-ching namako u-iahaon, Isolna an-ching agane on-na nanggen. "Uni gimin namako dakna u-ie uko dakgijagipana uan pap ong-a" (**Jakob 4:17**).



15

## Mitam namgijagipa bewalrang manderanko bilake kae donaha. Uamang maiko dakna man-a?

**"Indiba badita mande uko ra-chakaha, Isolni de ong-china bil on-aha" (Johan 1:12). "Angko bilakatgipao anga pilakkon dakna ama" (Philippirangna 4:13).**

**Aganchakani:** Na-a ia pilak dakbewalrangko Kristoona ra-angna man-a aro uaranko Uni ja-ao donena man-a. Ua katchae nang-na gitalgipa ka-tongko aro papni namgijako pe-e galna bilko nang-na on-gen aro Isolni depante ba demechikrang ine chanako man-gen (**Ezekiel 11:18, 19**). "Isol baksa pilakkon dakna ama" (**Mark 10:27**) ine u-ina baditan ka-tongna kusi aro dongtoani ong-a. Aro Jisu agane inaha, "Angona re-bagipako anga mamung dakeba a-palchi galjawa" (**Johan 6:37**). Jisu anchingko kagipa buduranko enge galna tarie dongenga. Ua anchingko jakgitelatna skenga aro Ua dakgen, indiba uko an-ching pakwatnasan nangaigen. Jenslo Uni ge-etani an-ching dakon, an-chingni jajrenganirang, namgija bewalrang, gisiko jajrenganirang, aro kenjagokanirang re-anggen. "Angni katchaa maikai na-simangon ong-gen, uni giminan anga na-simangna iarangko aganaha" (**Johan 15:11**). Diabol jegrikaniko dakronga je jakgitelanikode bamgija dakaniosa man-ronga, indiba ian tol-anisan ong-a! (**Johan 8:44**).



16

## Isolni gitalgipa songnokni gimin maia aiao inmangipa ku-rachakanirangko on-aha?

**"Aro anga saa ine uano donggiparang aganjawa" (Isaia 33:24). "Aro siani ongjawaha, aro kalimani, aro chrikani, aro sasknaani ongjawaha" (Parape-a 21:4). "Uamang do-gamdotrang gita grangrangchi doanggen; uamang daaire neng-jawa; uamang re-e nom-bokjawa" (Isaia 40:31).**

**Aganchakani:** Isolni gitalgipa songnoko songdonggiparang Uni ansengatani niamrangko kusi onge jarikgen, aro uano saani ba sabisi dongjawaha. Uamang panghajolna dambe ong-e bilakananiko man-gen aro Isol baksa jringjrotna chu-sokgipa katchaania aro kusi ong-anio donggen.

17

## An-senge donganiara Sastroni toromni bak ong-ani gimin, na-ara Isolni pilak an-sengatani niamrangko ja-rikna skengama?

**Nang-ni Aganchakani:**

# Nang·ni Sing·anirangna Aganchakaha

1. Skanggipa **Timothy 4:4** o agana, “Maina Isolni pilak dakgimin nama ong-a, aro mamungba galani ong-ja, uko mitelan baks ra-ode.” Iako na-a talatna man-genma?

**Aganchakani:** Ia Sastroni kattarangara cha-ani gimin janapaniko daka “Maina Isolni pilak dakgimin nama ong-a, uko mitelan baks ra-ode” (**pod 3**). Ia cha-anirangara rontala jekon **Levirangna 11** aro **Deuteronomy 14** o janapaha.

**Pod 4** o rontalbeen agananiko daka je Isolni pilak dakgimin janggi gnanggiarang nama aro mamung galani ong-ja, maina uaranko “mitelan baks ra-ode” (rontalgipa matburungrang). **Pod 5** o agana je ia matburungrang (ba cha-anirang) ra-chakgimin ong-a. Uaranko Isolni kattachi “rontalatataha” jekon uarang rontala ine agana, aro “bi-achi” pattiaha, jekon cha-na skang bi-aniko dakaha. Ka-sapae u-ie ra-bo, je manderangn rontalgija cha-anirangko cha-e “an-tangtango rontalata” damsan bon-changataniko man-gen (**Isaia 66:17**).

2. **Mati 15:11** agana, “Mandeko marang nangatgipa ku-siko napgipa ong-ja, indiba kusikoni onkatgipasa mandeko marang nangata.” Iako na-a maikai talatgen?


**Aganchakani:** **Mati 15:1-20** ona janapgipa katta jakrangko skanggipa jaksugija cha-ani gimin ong-a (**pod 2**). Iano cha-ani gimin aganja, indiba jaksuani giminsan aganenga. Sastro skigiparang skianiko dakaha je je cha-aniko dingtangmancha jaksuchenggija cha-a cha-gipa an-tango rontalgija ong-ata. Jisu aganaha je ia jaksuanirangara mamungba orto dongja. **pod 19** o, Ua badiaba namgijarangni gimin janapaniko daka: jekai mande so-otanirang, til-ekanirang, cha-uairang, etc. Uni ja-mano Ua indake matchotataha, “larang mandeko marang nangatgipa; indiba jaksugija cha-a manderangko marang nangatja” (**pod 20**)

3. **Indiba Watarangna 10** o serikgimin gita, **Jisua Pitorna mikjumango mesokgipa pilak matburungrangko rontalatjahama?**

**Aganchakani:** Ian ong-ja. Ia nikanio nikaniera matburungrangni gimin ong-ja, indiba manderangni giminsa ong-a. Isol Pitorna mikjumango mesokaniko dakaha je Jihudirangni bebera-ani gita, Gipin Jatrang rontalgijagiparang ong-ja. Isol Gipin Jat, Korneliusko, Pitorko grongna manderangko watatchina aganaha. Isol ia nikaniko Pitorna ong-jagenchimode, ua uamangko grongna jechakgenschim, maina Jihudini niamo Gipin Jatrangko noknapna beng-ani dongaha (**pod 28**). Jensalo manderang sokbahaon, Pitor uamangko rimchaksoaha, aro talataniko dakaha je, iako ua dakjawachim, indiba ua indine aganaha, “darang mandekoba marang ba rontalja inna nangja ine Isol angna mesokaha” (**pod 28**). Odhai gipino (**Watatarang 11**), mondolini memberrang Pitorko Gipin Jatrang baksa angrikahanina matnangaha. Uni gimin Pitor uamangna an-tangni nikgipa nikaniko aro uni ortoko agane on-aha. Aro **Watatarang 11:18** o agana, “Aro uamang ia kattarangko knaoa jrip dongaha. Indide Isol gipin jatrangnaba jaggina gisik pil-aniko on-aha, ine Isolko rasong chaataha.”

4. **Maina cha-jaode, Isol wakko ong-ataha?**

**Aganchakani:** Ua soginiko ong-ataha gitan apan miksonganio ong-ataha – sigimin manggisi ba rontalgijarangko rontalatna. Aro sogin ia kamko namedaken chusokata.



**5. Romrangna 14:3, 14, 20 o agana:**

**“Chagipa chagijagipako chonnikjachina; aro chagijagipa chagipako bichal kajachina; maina Isol uko rachakaha.” Iako na-a talatna man-genma?**

**Aganchakani: Pod 3 oni 6** ona chagipa chagijagipako tosusae agananiko daka. Iano segipa kattarang minggnian kakket onga ine aganja, indiba darangba saksa sakgipinni kosako bichal ka-jachina inesa agana, indiba Isol Bichal Ka-gipa ong-china (**pod 4, 10-12**). **Pod 14 aro 20** o cha-anirangni gimin agana, jerangkon miterangna onaha – aro, niam gita rongtalja – **Levirangna 11** o janapgipa rongtalgipa aro rongtalgijagipa matburungni be-eni gimin ong-ja. (**1 Korinthingna 8:1, 4, 10, 13 ko poraibo**). Iano chanchianiko dakanioarang cha-aniba, miterangna skanggipa on-ahani gimin, “rongtalja ba rongtala maina “a-gilsako mite saksaba dongja” (**1 Korinthingna 8:4**). Indiba indagkipa cha-anichi saoba mande an-tangni chanchianiko jajrengatode, ua uko saksan wate donchina. Ba ian sakgipinko gisik saatode, ua uoni gelchina.

**6. Isolni an-sengbaljokani niamrangna an-tangtangni gimin chanchigija Isol Jihovana ka-samangmangaide chu-ongaigenma?**

**Aganchakani:** Indiba na-a Isol Jihovana kakket ka-saaode, na-a Uni an-sengbaljokani niamrangna bamna sikgen maina indakesa nang-ko chu-onga gita an-senganiko, kusi ong-aniko, aro rongtalaniko man-naUa nang-na tariaha. “Aro chu-sokatako man-enba, ua uko manigipa pilakna jringjirotni jokani ong-atgipa ong-baaha” (**Ibrirangna 5:9**). Jisu aganaha, “Angna ka-saaode, indide na-simang angni ge-etanirangko manibo” (**Johan 14:15**). Jensalo an-ching bebeo Gitelko maniode, an-ching mamungdakeba Uni an-sengatanani niamrangni gimin pa-sike aganjawachim. Indagkipa Isolnirangni gimin chanchiani chong-motgipa ka-tongko parape-a. “Angko Gitel, Gitel, ingipa pilakan salgini songnoko napna man-gen, ia ong-ja, indiba salgio donggipa angni Paani namnikako dakgipasa” (**Mati 7:21**).

**Nang.ni agananiko ba sing.anirangko iano sebo**



01



02



03



04



05



06



07




08



09



10



11



12



13



14

## Poraiani lesson 14 rangoni ia lesson sa ong-a!

Lesson prakan chong-motgipa alao inmanirang baksa gapatako man-aha jean nang-ko aro nang-ni nokdangko dingtangtgen aro nang-na baikamgipa ka-donganiko ra-bagen.

Mingsakoba watchangalnabe!

**Poraiani 01:** Nang-ni Ka-dongchakna Man-gijani Uano Maiaba Dongkuengama?

**Poraiani 02:** Isol Diabolko Ong-atahama?

**Poraiani 03:** Sina Nangaoniko Jokataha

**Poraiani 04:** Bangbango Donggipa Mingsinggipa Songjinma

**Poraiani 05:** Kusi Ong-gipa Bia Ka-ani Chabirang

**Poraiani 06:** Rong-plengo Seaha

**Poraiani 07:** Itihasni Gimagimin Sal

**Poraiani 08:** Bon-kamgipa Naljakatani

**Poraiani 09:** Rongtalani & Bil!

**Poraiani 10:** Sianiara Sibebani Ong-ama?

**Poraiani 11:** Diabolara Norokko Nirok Simsakgipa Ong-ama?

**Poraiani 12:** 1,000 Bilsirangna Tom-tomani

**Poraiani 13:** An-sengbaljokanina Isolni Indin On-gipa Daksamsoani

**Poraiani 14:** Katta Maniara Niamko Kingkot Dake Manianima?

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

**Form-ko gapatna “Adobe reader” ko jakkalbo.**

## 1. Mandeni be-enna Isolni an-sengatani niamarangko ja-rikaniara (1)

Dedrangnasa nangchongmota, indiba dal-giminnade nangchongmotade ong-ja.

Ian Sastroni toromni nangchonmgotgipa bak ong-a. Ian mandeni toRomrangna manianina mamung dakna nangani dongja.

## 2. Isolni an-sengbaljokani niamrangko (1)

A-bachengonin, an-chingko ong-atgipachi on-aha, jean an-chingni kusi ong-ani gimin nambate u-igipa ong-a. Jihudirangnasa on-aha, indiba an-chingnade da-alo jakkalna man-ja.

Uan nokgipa ong-a aro an-chingko sason ka-gipa ong-a ine anchingna mesokna on-aha.

## 3. Chong-motgipa Kristian mande (1)

An-tangni nangnikgipa cha-aniko cha-gen aro ringaniko ringgen.

Isolna ka-saaigen indiba Uni an-sengbaljokani niamrangko gelgen maina uarangko chisolobon-ataha.

Be-en, gisik, aro cholonko bilakatgipa cha-anikosan cha-gen aro Isolna rasongko ra-bagen.

## 4. Mandeni skanggipa cha-ani (1)

Bite aro bitchilrangon ong-a.

Chu aro be-enko cha-anikoba man-gopaha.

Adam aro Hobani namnikgipa pilakkon aro je cha-aniba ong-aha.

## 5. Isol ia janggi nganggiparangko rongtalja ine chanaha (7):

|                 |               |
|-----------------|---------------|
| Matchu          | Balgitchak    |
| Wak             | Salmon na-tok |
| Do-o            | Gapchilek     |
| Mat             | Na-tik        |
| Sapau           | Na-tik        |
| Magur na-sinchi | Do-bok        |

## 6. Chuko ringaniko (1)

Kristian mandena kraa gita ringaiode namaia Namja dake nikgipa mandenasan ong-aia. Kristian mandede jakkalna nangsrangja.

## 7. Sada jakkalaniana (1)

Mandeni paltang jakkalanisan ong-aia aro uni toRomrangna baksade mamunga nangrimani dongja.

Pap ong-a, aro Kristian mande je rokomoba uko jakkalna nangja.

Kristian mandena namgni ong-a.

## 8. An-sengbaljokani niamrangko sandie nibo jerangna Isolni an-sengbaljokani niamrang ong-a: (9)

Cha-pretnabe

Cha-ani ja-mano ta-makku ringbo.

Kusi ong-bo aro katchabo.

Cha-na skang chu ringbo.

Nan-gni be-enko rongtale rakkibo.

Wakni be-enko bang-e cha-bo.

Coffe aro chako bang-e ringbo.

Pilakon krae dakbo.

Somoi gita cha-aniko cha-bo.

Matnanganirangko ra-bite dongnabe.

Kam ka-bo, be-enko ranta ka-jringbo, aro tusibo.

Gitelo chu-gimik ka-dongbo.

Matburungi mitimko aro an-chiko jakkalnabe.

## 9. Isolni an-sengbaljokani gimin namen nangchongmotgipa bebe ong-aniara (1)

Ma-a paarang Isolni an-sengbaljokani niamrangna simsakjahani gimin bis-arang aro deritchu su-ritchurang be-enni bilgrianiko man-ronga. Ia niamrangara Jihudirangnasa ong-a, da-alode nangja.

An-ching Kristona ka-sachongmotode, Uni an-sengbaljokani niamrangde gamchatjaha.

## 10. Papni kamrangoni nambatsranggipa chena amanide (1)

Uarangoni gelbo.

Kristona an-tangko chu-gimikan on-kangbo, jean an-chingna pilakkon dakna bilko on-a.

Uarang re-anggen ine ka-dongbo.

## 11. Isolni an-sengbaljokani niamrangara (1)

Gariko chalaiani niamrang gita ong-a. uarangara an-chingna nambatgipa ong-a, aro jensalo uarangko an-ching simsakgija dakahaon, neng-nikaniko man-ronga.

Moseni mitam niamrangko chisol sako bon-ataha.

Nanggipa chanchiani, indiba uarangara paltangni Isol baksa nangrimanina mamungdakeba nangeja.

## 12. Bebegipa Kristian mandede (1)

Bi-na gita somoiko ra-batgen indiba Isolni an-sengatani niamrangna simsakjava.

Jensalo Isolni niamrang baksa nangtingrikon, ua rang-sanan je bewalkoba dingtangatgen, maina jensalo an-ching Kristona ka-saaon, an-ching kusi ong-en Uni niamrangko aro Uni ge-etanirangko rakkigen.

Ta-makkuko jakgitele jakkalna sikgen.

## 13. Isolni an-sengbaljokani niamrangko ja-rikna ian angni miksongani.

Oe

Ong-ja.

Kosako sing.anirangna bon.e aganchakbo!



**Nang.ni bimung, email aro phone no. ko enroll ka.na gita gapatbo.**

**Nang.ni minggipin indin on.gipa Study guide-ko man.a gita "Submit" ingipao click ka.bo.**

|                   |         |           |  |  |
|-------------------|---------|-----------|--|--|
| Nang.ni bimung :  |         |           |  |  |
| Nang.ni Email :   |         |           |  |  |
| Phone Number :    |         |           |  |  |
| Nang.ni Address : |         |           |  |  |
| City, District :  | State : | Country : |  |  |
| Pin :             | Bils :  | Misi :    |  |  |

Nang.ni contact info-ko tik dake on.bo